

Zastupnik u Skupštini Kantona Sarajevo,
Jasmin Šaljić

Vlada Kantona Sarajevo
Ministarstvo za boračka pitanja Kantona Sarajevo
Općina Centar
Koordinacija boračkih udruženja Kantona Sarajevo

Predmet: Zastupnička inicijativa, uvrštavanje Udruženja " Lasta", za raspodjelu budžeta koji je predviđen za sve boračke organizacije

Nesvatljivo je da Udruženje veterana odreda Lasta ovoliko godina nema nikakav izvor finansiranja niti pomoć države, Općine Centar i Kantona Sarajevo. Finansiraju se isključivo od članarine pripadnika, te je rad Udruženja ove izuzetno zaslužne jedinice doveden u pitanje.

Pokrećem zastupničku inicijativu da se ovo respektabilno udruženje uvrsti u program i raspodjelu sredstava zajedno sa desetinama ostalih boračkih udruženja, kako u Općini Centar tako i u Kantonu Sarajevo. Odred Lasta formiran je 15. maja 1992.godine kao borbena jedinica MUP R BiH za specijalne namjene. U organizaciji Udruženja veterana policije, 16. maja smo obilježili 34 godine od formiranja ovog u narodu izuzetno poštovanom policijskog odreda koje je samom pojavom ulijevalo nevjerovatan osjećaj sigurnosti. U periodu agresije kroz ovaj odred je prošlo više od 400 pripadnika. U odbrani BiH poginulo je 56, dok je više od stotinu lakše i teže ranjeno. Policijski poslovi za ovaj odred bili su sporedna stvar, jer je u prvi plan bila odbrana grada i države, te pomoć Armiji i brigadama prilikom svih neprijateljskih ofanziva gdje su pripadnici Laste iskazali veliku hrabrost i požrtvovanost kao i zavidan nivo zalaganja, discipline i organizacije. Pripadnici odreda Lasta tokom agresije na našu državu, obavljani su sve i jedan postavljeni policijski i borbeni zadatak, viteški bez bilo kakvih prijava, uzetih izjava i ono najvažnije od svega bez ratne mrlje.

